

安徽府縣志輯

中國地方志集成

安徽府縣志輯(一)

中國地方志集成

安徽府縣志輯 ④⑧

道光徽州府志(一)



江蘇古籍出版社 ● 上海書店 ● 巴蜀書社

責任編輯 薛飛
封面設計 范一辛
美術編輯 姜嵩

中國地方志集成

安徽府縣志輯④⑧④⑨⑤⑩

出版發行 江蘇古籍出版社

社址：南京市中央路一六五號

發行部電話：〇二五——三三三三四六二

郵編：二一〇〇〇九

印刷 上海市印刷七廠

定價 六六四元

1998年4月第1版第1次印刷

ISBN 7—80643—009—1/K·9

重脩徽州府志序

今夫郡之有志非徒覽其山川
按其圖籍供文人學士采輯而
蒐羅之已也有民社之責者必
將因俗而成化有鄉里之望者
必將樹表而立坊懷璟未之逮

徽州府志

序

也而與諸君子共有志焉辛巳
懷璟奉

命守徽州見夫長江千里黃海
障之奇峰異觀不可殫述行其
野則邨墟刻鏤桑麻鋪菜比戶
習絃歌鄉人知禮讓未嘗不蹶

然發憤而興起曰此其俗化之

厚與其鄉先生教澤之長也所
從來者遠矣守斯土者將毋卧
而治之已乎下車後暇與吾宗
峻山先生及其賢士大夫考逸
事訪遺民流覽邑居版籍間有

徽州府志

序

二

廢而墜者若府大堂為閭郡觀
瞻所係禹王閣自

國初建立堪輿家謂皆徽郡土
風文運所關而傾圯剝落僅存
遺址此非有事茲土者之責耶
若郡志自有宋羅鄂州逮我

本朝趙恒夫先生距數百年先
後纂輯凡夫山川圖籍土俗人
風披是書者如瞭指然宇內脩
志家往往圭臬奉之懿哉茂矣
特是先生距今又百餘年人文
輩出鼎盛輻臻理學經儒在野

不乏其間制度之沿革習尚里
居之轉易遷移亦稍稍有待於
補綴余既治徽之明年與閤郡
諸君子慨然思脩而明之士農
工商無不踴躍議既成旋以量
移鳳陽中止數年來蓋邑邑於

懷而不能以一日釋也馬君漁
山越二年繼莅斯邦與余不言
而心相符志相合邑之踴躍從
公者亦與爾時同此其俗化之
美與其鄉先生教澤之長不益
可想見耶今年春峻山先生以

徽志將成致書告余並及府大
堂禹王閣均已脩舉以為余所
志未逮者越數載而竟成雖去
轍不可留邑之人徃徃追憶不
置爰囑余一言為序懷環自念
恩澤無可及民歷政日淺治術

又無可紀復何敢當誠愧誠感
顧懷璟既幸夫有志者事竟成
而又念徽屬人心之厚風俗之
醇至於稍有薄德不忍忘如此
此即凡莅茲土者亦可勸已亦
足風矣其得無一言乎爰略志

端木於首至其書之體例仍依
趙本斟酌損益歸於至當董其
事者有吾宗峻山先生暨郡之
端人正士足以植表樹坊信今
傳後余又何辭以贅焉

道光七年歲次丁亥六月調任

安慶府知府署理安徽寧池太
廣等處兵備道前知鳳陽徽州
府事雲夢程懷璟謹撰



重脩徽州府志敘

徽州在大江之南溪山環峙靈
湫特鍾自晉太康中易名新安
以來代有偉人于江左實為望
郡余曩備官詞垣承乏史職獲
覩儒林傳所列江氏永汪氏紱

徽州府志

序

七

戴氏震諸人著述宏富卓二可
傳穆然于紫陽道學之傳歷今
猶在不禁翕然慕之道光癸未
余適奉

命來守此郡簿書之暇用觀民
風因與郡之學士大夫尚論古

人蒐求故實僉謂有郡志在可

以備稽考乃展尋趙給諫吉士
舊志讀之體例雖嚴密而書成
于京師邸舍舛錯漏略事匪一
端且自康熙三十八年以後事
蹟之未及紀者今已百有餘年

徽州府志

序

八

遂憚二有復脩之志時 大中
丞長沙陶公奏請纂脩安徽省
志奉

詔許可飭所屬郡邑重脩舊志
以備採擇余深幸得蒞文教振
興之邦兼獲收紳士諮詢之助

且又事會之適符也遂不敢辭
珥筆之勞而又慮經費無所出
用是商諸程退齋封翁啓知
六屬以共襄盛舉旋于甲申秋
奉調潁州乃未克集事而去間
一歲余奉

特旨擢中州觀察使郡守馬君
漁山與程封翁集衆資而繼興
之更成新志凡若干卷歲事之
後以書索序于余余慨然念疇
昔所圖維事垂成而幾廢太守
及封翁之勇于繼事而卒以有

成者匪惟一郡之山川民物俗
尚土風不可泯滅抑亦有志竟
成之一徵也馬君以當代詞臣
出數吏治踰年之後政通民和
其于化民成俗之意固有古風
而程封翁德望夙隆年日益高

而嗜學益篤延碩彥訪舊聞搜
奇聞幽黜浮崇實精考而博採
以成一郡之信史使新安之規
撫以彰而彙時之文獻並備其
于史才史識方之舊志殆有進
而愈上者矣余慕其任事之敏

程功之速而尤幸余之有志未
逮者藉是得以不廢也爰綴數
言以述其顛末如此
時道光七年歲次丁亥季春之
望
賜進士出身

欽命河南分巡開歸陳許河務
兵備道前知安徽徽州潁州府
事詹事府左右春坊中允
實錄館提調兼漢書總纂官長
白麟慶撰



重脩徽州府志序
嘗攷孔安國尚書序云九
州之志謂之九疇言土地
所生風氣所宜皆聚此書
周禮地官土訓掌道地圖
誦訓掌道方志自古志乘

之任實昉於此今
天子御極之五年
詔輯皖省通志新安皖之
屬郡地志未脩且百三十
餘載會太守漁山馬君蒞
是邦順郡人士之請開局

編纂書成里中諸君子郵
書問序余取而讀之見其
博采詳撫條分件繫併省
增益皆有據依推太陽節
氣之晷刻舍星占元為之
幽微辨建置則訂楚漢之

間誌疆域則補唐宋官後
人建國於郡縣改書藉為
藝文錄
賜謚諸臣官闡忠良續科
第薦辟官表才雋覈棚民
客藉官杜紛糲紀米船倉

穀自備有無他如戶役貢
賦物產風俗算不汰其蘇
蕪增其闢略釐正其譌舛
體裁完密舊志所弗及已
夫新安有志莫著於羅鄂
州自序官為儒者之書具

有微官不同鈔取計簿朱
檢討錫鬯官醕雅簡要目
之篁墩程氏伯文獻志實
取材焉今是編出與羅書
可相輔而行不惟省志足
供蒐錄即

重修徽州府志序

郡邑之有志別星野誌輿圖叅稽興廢之
由綜覈民物之數匪特馳騁文辭誇示雄
富而已蓋期衷諸實實取信來茲俾覽是
編者灼然於山川風俗黎獻典章足以通
古今而資治化焉徽州據浙江上游為江

徽州府志

序

七

左名郡山水奇秀人才代興自梁時蕭幾
王篤權興作記嗣是唐有歙州圖經宋有
李宗諤新圖經惜其書俱久佚而敘述簡
明引據典覈則有羅鄂州願之新安志在
余昔承乏史官詳稽志乘獲其書讀之竊
以為一郡之文獻具在於茲信乎儒者之

書不同鈔取計簿也甲申之歲奉

命出守斯郡到官之後諮詢民瘼徵考故
實知郡志自康熙迄今不修者將百三十
年矣前太守龔公麗正延歙孝廉汪公龍
重加編纂旋以上計他擢事遂止繼程公
懷璟麟公慶皆有志修明亦以遷調不果

徽州府志

序

八

今余來此不敢令垂成之業廢然中輟於
是請於程封翁道銳日與悉心商榷數月
之間章程甫定遂延郡之碩彥開局於試
院簿書之暇緇閱趙給諫吉士舊志竊謂
摭取雖富而體例未精爰為之補其闕畧
正其訛舛與諸君子斟酌而考訂之書既

成乃以區區增損釐正之意撮其要而序之曰舊志分八例曰輿地曰秩官曰兵防曰食貨曰營建曰郵政曰選舉曰人物而八例之中郵政志宜省也藝文志宜增也曷言之舊志食貨一門僅列賦役物產而郵政分二類一倉局一蠲賑今以倉局併

入營建蠲賑併入食貨而郵政一志可省矣蓋賦役行於豐年蠲賑行於凶年互相表裏皆為食貨良法故西京一代蠲免策詳而班書不另立門類第散見於食貨志中即備考諸史亦無以郵政另為一門者史志之體一而已矣倉局雖與賦役相通

然如育嬰養濟藥局之類皆與賦役不類且歷代興置不一更徙無常當與學校公廨同為營建大典此例之可省則省者也舊志不立藝文志凡例云嘉靖志不立藝文一條獨取其有關政要者摘入各門之下蓋一舉而三善備焉一則卷帙不至繁

蕪一則與志無涉者不刊自落一則讀其山川祠宇建置者兩兩印證事蹟自明然亦知史家藝文志中本無文詞乎藝文之作創於孟堅孟堅作藝文志專載書籍卷數而宏博如賈誼董仲舒之策對綺麗如相如揚雄之詞賦亦止載入本傳未嘗混

人藝文也自隋書改藝文為經籍後人遂
疎而二之於是唐人有藝文類聚之作專
輯詩文事實博采無收自是與經籍遂分
道而馳矣新安為人文淵藪自文公倡明
正學代有通人撰述之多無慮千萬卷擇
而錄之一代之文獻在是矣此例之可增

則增者也至於每例之中各分細目然必
當釐正者亦往往而有如輿地志建置沿
革表中記歷代大事殊為不倫大事一門
史家不另立惟萬季野補歷代史表立三
國大事表實為創例然萬意以三國紛爭
之際不得不然其餘則均不立也一郡大

事寥寥罕見俱已附見於各志之中如賀
齊定縣歙侯景陷新安汪華起兵保郡之
類皆入武備志中隋均土田唐蠲租庸及
陶雅增田賦之類皆入食貨志中改知新
堂為明倫堂改孔子廟像為木主及我
朝頒發學宮匾額之類皆見營建志之學

校中贈朱子徽國公詔禮部修理朱子祠
及我
朝升朱子於十哲之次之類皆見人物志
之朱子世家中如此則沿革表第紀歷代
郡縣分合之所由來不必牽引大事矣此
其當釐正者一也秩官名志實於史家未

見班史稱百官公卿諸史稱百官者半稱職官者半至秩官二字見國語詳其文義自是周書篇名宜改秩為職以合於史家之體例此其當釐正者又一也兵防志亦不足以該武備新安居萬山之中父老終歲不見兵革然自三國賀齊屯林厯山取

徽州府志

序

五

勝彰彰史冊嗣後代有武功第以此等大事列沿革表中體例既乖採取亦隘今列兵防武功二類兵防專記歷代防鎮及營汛驛遞諸務武功專記歷代兵革戰守形勢總名之曰武備志以見我朝文事武功並行不悖耳此其當釐正者

又一也至選舉一門薦辟最古漢之明經孝廉茂才諸科皆由薦辟不失古鄉舉里選之法隋唐之間始有進士則薦辟不當居科第之後且科目之外區歲貢一類歲貢二字雖出漢書而我

徽州府志

序

五

諸貢不若改貢生二字較為賅洽且即附入科目中不另為一類此其當釐正者又一也又按人物志首朱子世家倣史公孔子世家之例極有卓識朱子世家之後即宜次以勲烈以紀程汪二公事蹟乃以儒碩列勲烈之前未免重文藝而輕事功矣

且不曰儒林而曰儒碩亦史家所未有至於經濟則官業可該績學風節則儒林文苑可併此其當釐正者又一也若夫八例之外雜志一門不可不立然必諸志中萬不可附之事始入雜志祥異拾遺修志源流三者是也乃舊志復闌入封建邱墓古

徽州府志

序

三

蹟書籍寺觀仙釋六類今以封建邱墓古蹟入輿地書籍入藝文寺觀入營建仙釋入人物各從其類絕不牽涉但存三目總名曰雜記不言志者恐牽混也至於先後之次亦不得不畧為變通今亦分八類首輿地次營建次食貨次武備次職官次選

舉次人物次藝文而以雜記終焉予目通共五十有奇雖不敢自信為完善之書而言必準諸古事必核其實庶乎得古人補闕拾遺之旨矣爰不揣固陋而弁言於卷首

道光七年歲次丁亥孟夏中浣

徽州府志

序

三

賜進士出身翰林院編修 國史館纂修
功臣館提調 奏辦院事戊寅 恩科山
東鄉試正考官掌貴州道監察御史 欽
命巡視西城抽查七省漕糧知徽州府事
加一級隨帶加二級紀錄五次會稽馬步
營謹撰并書

重修徽州府志職名

倡修	封河南巡撫程道銳	纂修	徽州府知府馬步蟾	徽州府同知燕庇	徽州府通判徵良	徽州府通判黃允孚	同修	歙縣知縣勞逢源	歙縣知縣金鼎壽	休寧縣知縣陳紹型	休寧縣知縣李儀	婺源縣知縣孫敏浦	婺源縣知縣黃應均	婺源縣知縣朱元理	祁門縣知縣李青明	祁門縣知縣王讓	署黟縣知縣呂子珏
	歙縣人		浙江會稽人進士	滿洲人	紅旗人	山東單縣人		浙江仁和人進士	貴州廣順州人進士	浙江蕭山人進士	四川江津人舉人	直隸鹽山人進士	江西豐城人舉人	廣西柳州人舉人	山東濟寧人舉人	河南新鄭人舉人	江蘇武進人

黟縣知縣詹錫齡	績溪縣知縣王日新	績溪縣知縣龔裕	署績溪縣知縣王郊	分修	徽州府訓導夏鑾	廩貢生朱濂	舉人余煌	舉人汪雪卿	舉人宋因培	附生馬步瀛	附生沈懋	廩生楊希清	原署泗州學正舒鑒	原任貴池縣訓導曹鳴鑾	廩貢生方洪	附生江忠煒	分校	徽州府教授朱寵	署徽州府教授戴正衡
江西安義人進士	江蘇武進人進士	江蘇清河人進士	漢軍紅旗人		安徽當塗人優貢	歙縣人	歙縣人	歙縣人	江蘇吳縣人	浙江會稽人	浙江會稽人	湖南湘潭人	歙縣人	歙縣人	休寧人	歙縣人		安徽涇縣人進士	安徽霍山人